

兩浙名賢錄

兩浙名賢錄卷二十七目次

吏治

宋二

知臨江張少微著

慈谿令林懿文叔豹

提舉常平劉公實穎

知鎮江陳安行居仁

父齊附

知處州汪懷忠待舉

知黃州何德獻佾

知興化平潘德鄰時

知邵武蔡子明開

弟開附

知華亭劉碩翁俱

知蕭山顧冲

遂安令王伯倫時敘

知績溪王木叔梅

知循州錢文叔文

知江州陳益之謙

知會稽王季嘉時會

知仁和莫漳

浙東檢察唐進道閱

金華簿彭子復仲剛

提點刑獄羅宗之仲舒

蕭山令趙善濟

丞鄭承
議附

烏程尉應自得係

知海鹽劉全之銓

知餘姚施武子宿

黃岩尉楊子美上休

吉州司理杜微叔思恭

知新昌鮑清卿瀟

知臨安潛君高說友

知慶元林和叔大中

遂寧守曹器遠叔遠

餘干尉桂夢協萬榮

南陵簿洪叔毅琰

子寧
祖附

臨海令陳仲宏之綱

兄附

判通州李謙仲大有

嘉興通判胡達卿朝穎

宜春丞喻伯經偁

剡令史子由定之

知潯州陳元凱舜舉

福建提舉徐恭先愿

知臨安趙德成立夫

知睦州王元敬佖

知南昌樓元齡大年

知橫州陳正之大紀

知嘉興孫守叔夢觀

知建康馬華甫光祖

知於潛吳君友舜龍

福建轉運使鄭山甫如岡

知侯官項無欲公悅

知撫州程應辰士龍

知睦州季伯韶鑄

知崑山項德潤公澤

知崇安趙立夫必愿

知安吉陳道初淳祖

子深源附

台州郡曹唐謙通聞

通判袁州徐文之琛

安吉丞王謙父搗

知建平施德懋

衢州倅范叔端士表

知新昌周正輔備

守建昌木德遠天駿

知太平程子奘瑄

知台州許肖說子良

知興國趙應甫逢龍

知華亭楊廷潤瑾

文輝正弟瑄附

諸暨簿童行簡居易

武進丞趙安行若恭

知福州陳叔方昉

知德典楊君寶珏

曾孫恕附

曠令陳子微著

青田丞王約之從儉

元

知海寧臧夢解

廬陵簿范煥章文中

溫州路總管夏若水

龍溪尹趙敬叔大訥

知蘆州凌懋翁

判諸暨柯自牧謙

沂州同知彭允誠廷堅

施容州判官陳宏父達大

松陽令孫以誠德潤

武康令沈夢麟

都轉運經歷王止善艮

紹興治中金君澤德潤

知餘姚葉敬常恒

知辰州陳中叔琰

兄宜子附

知鄞縣許具瞻廣大

知上虞韓自行諫

處州路總管凌信翁德

知慈谿陳文昭麟

知餘姚汪辰良文璟

兩浙名賢錄卷二十七目次終

兩浙名賢錄卷之二十七

東海徐象梅仲和氏謨

禹杭嚴調御印持氏閱

吏治

宋二 共八十一人

知臨江張少微著

張著字少微龍泉人崇寧中進士初知永康縣有能名歷官提轄京東漕權貴爲奸俾民入錢給符而漁著劾奏弛禁民得其利留貳天府未幾國步艱難駕駐揚州

因罷歸。紹興中，再守臨江。平易近民，戶口增七萬餘。部使者以治最聞，時御史劾舉江南不法官吏至千餘人，悉送著案，情與法參輕重，無不當其罪。兵荒，民鮮習備者，著建學以造士，有投戈講藝之風。時縉紳多趨權貴，而著獨有守，嘗靖康之難，不污僞命，人尤以爲難。上將用著，而以鯁直忤時相，竟出知筠州終。

慈谿令林懿文叔豹

林叔豹字懿文，永嘉人。建炎初，爲慈谿令。庶明勁直，高宗南巡，勅戒衛士毋肆苛擾，以撓賢令。時聞虜寇至境，

邑人驚避有武悍之徒百十爲羣乘勢抄劫爲民害叔豹庶其狀捕而斬之於是遠近知畏遂絕剽掠之患虜破明州僞立蔣安義爲守虜退叔豹率鄉兵入城杖死安義一郡獲安高宗駐蹕臨安多其才召拜監察御史以風力稱

提舉常平劉公實頴

劉頴字公實西安人歷官兵部郎官紹興間提舉浙西常平還澱山湖以泄吳淞江二水禁民侵築毋使逼塞大流民田賴之又奏補糴本廢園田二事不果行就遷

提刑以洗冤澤物爲任間詣獄察不應繫者縱遣之御史以介辭劾罷卒官寶謨閣直學士

知鎮江陳安行居仁

父膏附

陳居仁字安行鄞人父膏爲御史時四明有僧法恩謀不軌得其籍從附者餘萬人朝謀將屠城膏力爭之止燬其魁而在籍者俱獲免居仁登紹興二十一年進士第丞相虞允文見而奇之欲俾習兵法居仁謝曰立事功宜先定大計若大言無益也居仁嘗言慶赦之弊適足惠奸猾而小民不與言願放下戶丁稅以寬民力上

從之。歷知鄂州、福州、建寧、鎮江諸郡。政績多爛然可紀。爲鎮江時，有僧結廬江濱，地與江陰相犬牙，居仁察其奸利，命尉掩其室，得盜魁數人，立夷其居。後以華文閣直學士終謚文懿。

知處州汪懷忠待舉

汪待舉字懷忠，衢州人。紹興中，知處州。爲政寬厚，曲盡下情。民有爭訟，呼之使前，面寃曲直，不以屬吏。故庭無留事，鞭朴罕用。百姓以詩頌之曰：官舍却如僧舍，靜吏人渾似野人。閒時部民嘗有以酒飲客者，客醉且卧空

舍中主人慮其去，又從而鑰之。客夜酒渴，索漿不可得，則取花瓶水飲之。次日啓鑰，客已死矣。其家訟於官，待其死，其一時舍中所有物，惟瓶浸旱蓮而已。試以飲，極惡，因果死。訟乃白。其明察如此。

知黃州何德獻

何侑字德獻，太師冀國公平之曾孫也。學通經史，以廕調福州古田簿。時方弱冠，遇事通解，攝縣事，取滯獄決遣之，輕重得情。吏民驚服。改臨安，於潛縣，縣豪徐衡武斷鄉曲，陵轢長吏，莫敢誰何。侑至，拒不與通，衡屏氣退。

聽不敢復有所短。長治以最聞，遷通判廬州。就差知黃州，黃多盜，桴鼓夜鳴，佾乃連鄉舍保伍，盡破其根株，窟穴盜無所舍，奔走北境。除荆湖南路提舉茶鹽事，秩滿就除轉運判官。吏民益信，會盜發廣西，陷藤潯高化四郡，都督左僕射張浚舊知湖湘，雅知佾治狀，奏白何佾前治黃，聯保伍而盜平息，有戡亂才，今謀帥宜莫如佾。遂除直秘閣，經略安撫廣南西路，兼提舉兵馬事。盜聞風解散，佾撫摩瘡痍之民，奉宣寬大之詔，剔蝨除鱗，府賦用克繕甲勵兵，軍容克壯。一路賴以保障者二十餘

年廣西父老至今猶能言之。

知興化軍潘德鄰時

潘時字德鄰金華人少受業於仲父良貴力學不倦以良貴任爲登仕郎調分宜簿改通直郎差提舉雜買務皇城邏卒挾恃干紀按治其罪不少貸出知興化軍歲飢募客舟予錢轉糴而寬其期莫有喻其意者既而糴者得以其間往返一再然後及期則糴價以久自平而民不飢人乃服其有謀提舉浙西茶鹽改提點湖南刑獄除直秘閣知廣州兼安撫廣南東路所部地接彬桂

汀漳四州之民歲一踰嶺貿易折閱卽相聚爲盜大羣
或至數千人時入境適捕其魁八人卽斬以徇進直徽
猷閣知潭州安撫湖南飛虎軍驕橫不可制有恃醉挾
刃傷人者案軍法誅之遂帖然再遷左司郎中以疾辭
歸卒其治郡先教化而於訟獄期會無不謹務施舍而
於出納纖細無所遺爲部使者廢置不避權門舉劾不
憚大吏至典方面養威持重務存大體治兵訓士禁奸
除暴無一不可爲法有所張弛必先究其利害本末然
後出令耻爲姑息小惠以掠其虛譽謂權酷茶鹽非古

法不忍盡以律令從事其愛民如子馭吏如僮僕接僚屬如賓友惜官帑如私財治家如公事事有不便於文法輒以身任之不以累其下是以人樂爲盡力所至稱治嘗自謂吾之爲治主於寬而不使有寬之名輔以嚴而不使有嚴之迹惟其綱維總攝而脉絡流通是以坐走羣吏而我常無爲也當時號稱精吏道而寬猛得宜大小中度者無有能出其右既病起居莊敬如常時頷諸子誦魯子易簧時語而絕朱子誌其墓

知邵武蔡子明開

弟開明

蔡開字子明其先仙游人祖材通判平江始家崇德父
熙孝感令以廉平聞開第進士宰德清值軍興征調縣
爲不擾及去民攀留之知邵武郡初官租石帶糴四斗
備賑後爲民患開請罷帶糴遇荒輸官價視時高下俾
民自糴患遂已除漕司兼知岳州點軍管田九軍一月
而畢不鞭一人又區畫管佃軍國兩利改漕江西屬郡
旱捐漕計以濟民賴不飢有畏齋集十五卷弟闢字子
正博通六經居太學以直諫號太學御史及第後果衣
纁持斧爲執法大夫彈劾不避權貴有埋輪折檻之風

官終國子監祭酒

知華亭劉碩翁俱

劉俱字碩翁象山人登紹興三十年進士第知華亭邑版賦窄率貸諸豪家民由是撓政前令多敗俱乃活酒政損關征不三月課人自倍逋賦以償剖決若神豪民歛手並海有秦山塩鐵蚌港三堰不治被旨督作早夜露處淮田六萬畝陞倅紹興府帥使朱熹雅敬之委以諸暨蕭山荒政活民十餘萬知興國軍陞辭乞免蕭山廢田之稅以時省繕華亭海堰禁邏兵胥吏擾沿海民

軀事皆施行。改知岳州。東宮引見言事。光宗見其儀。頗
雍容。音吐明暢。注目首肯。悉爲報可。至郡。覈四邑常賦
外。免其版帳。罄空者。其目凡八歲。減一萬一千有奇。奏
定爲令。除廣東倉。時四明大飢。請移粟五萬斛。浮海賑
之。鄉邦賴以濟。南海驛道。至真陽。達江陵。多窮荒。複嶺
乃改闢大道。八百里。置六舖。築七庵。募人居之。無復蛇
虎暴客之患。命南雍梅辰等州。作義冢。瘞暴骨。遷福建
憲。除直秘閣。召除尚書禮部郎中。京所至。有遺愛。民立
生祠祀之。聞訃。相與聚泣。祠下。俱爲人。風格清整。篤於

孝友其至。誠若與神契。華亭水不可食。禱於晉井而泉溢。賑荒謁甯娥祠。衆舟皆膠而俱獨濟。淮南虎白日爲暴。禱南臺神。一夕虎皆去。人以爲奇。

知蕭山顧冲

顧冲錢塘人。淳熙中爲蕭山令。到任適歲旱。湘湖水利不均。民爭不已。冲乃度地勢高下。放泄後先。勒定時刻。約束甚嚴。又禁侵湖爲田者。雖勢家巨室。必操三尺治之。并酌舊議。少損八鄉。以益許賢一鄉。民始得其平。其他善政多類此。

遂安令王伯倫時敘

王時敘字伯倫奉化人第乾道五年進士歷嚴州遂安縣令時郡守責逋於十年之外徵符甚急時敘謂從事曰邦侯素不困疲察之民何遽變更果爾罪去誠甘之守知不可奪遂已編修陸游爲郡日縣上所斷大族爭訟狀僚屬咸會陸以遂安狀銜袖口適得一好文字爲諸公誦之且誦且喜曰使諸邑皆如遂安吾輩可以卧治及卒陸誄之曰學道愛人正心誠意惻愍無華儒雅飭吏子之自著古人何媿其爲名流所重如此有文集

二十卷藏於家

知績溪王木叔柎

王柎字木叔永嘉人登乾道進士第調婺州推官漕司
增本州上供米三萬斛守以下不敢爭柎獨移書新守
言其不可守以聞遂免知績溪縣江以東茲邑缺重民
貧鑿山壘畝乾瘠大半柎積錢買田爲塘六十八塌六
浚舊陂百頃而歲以稔告知江陰軍開蔡涇渠港五百
里漕輓流通民受其賜召爲吏部郎歷司業秘書少監
知贛州先禮教而後刑罰贛士在元符黨籍有四柎語

之日汝州多正人若此將百世稱之後生可不勉民感此意犯法日稀奉祠歸里卒稱平生不崇虛譽性務實業自謂義理所到雖百折必往或以勢見屈雖萬鈞不受也故所至輒能自立以就功名至今稱爲良吏

知循州錢文叔文

錢文字文叔吳越王之裔居崇德洲錢里第進士尉當塗有捕獲功例得進秩力辭之知萬載縣有異政趙汝愚薦可大用不果除知循州興學校重風俗豈弟宜民
一載報治文爲人言溫氣和所居不蔽風雨饋粥不給

晏如也。

知常州陳益之謙

陳謙字益之，永嘉人。登乾道第，教授寧國府。以薦除國
子錄，遷刑定官。孝宗將內禪，謙條六事以獻，出通判江
寧。徙知常開。孟賡均漑民田，扶善抑惡，民奉之如神明。
除湖北提舉，改提刑。辰州猛掠辰沅，岡邵四郡，謙提軍
掃其巢穴，陷八十餘峒。徙成都，路提刑。造李水堰，嘉州
繩橋，皆施便巧，以便行者。褒禮耆彥，蜀人愛敬。擢湖廣
總領，進寶謨閣待制。京西湖北宣撫副使，坐事罷。久之。

起知江州尋奉祠卒

知會稽王季嘉時會

王時會字季嘉時敘之弟與兄同年第進士自廸功郎
七遷至湖南運管賜緋魚袋嘗知會稽值歲霖潦郡方
督已蠲之賦甚急時會持不可守不聽乃袖告身易服
立庭中守爲奪氣民賴以紓修社會之政以備凶歉立
保伍之法以察不孝不弟游惰不逞者風俗爲之一變
會嘗永阜陵吏抱文檄如林環案立時會省去其十之
七餘不可已者召民給錢粟與期民不知役而事悉集

少銳意經學於易尤精及病革暫強起拱手端坐無僾容顧家人曰吾學易晝夜之理甚明遂卒

知仁和莫漳

莫漳歸安人歷官平江守初知仁和時有出入德壽宮者恃勢虐害善良漳擒撻之高后怒孝宗謫漳一級未幾復撻一豪惡再謫一級居數月平江缺守宰臣進擬孝宗曰朕有其人遂除漳

浙東監察使唐進道閩

唐閩字進道山陰人舉進士兩浙歲飢詔以閩爲兩浙

檢察使時州縣賑濟勸民減價而糴豪右往往閉糴視
奏儲粟之家宜勿限以價勿計以數則趨利之徒將傾
困競售不待低昂而價自平民飢不相保小兒遺棄道
路國法三歲以下許異姓收育聞請雖及十歲權聽民
鞠養以爲己子孝宗可之於是全活甚衆

金華簿彭子復仲剛

彭仲剛字子復平陽人登乾道進士第初主金華簿衢
州大水監司命仲剛覆視而後賑仲剛曰覆而後賑防
吏之欺將使民實得食也恐待覆而民不食死矣監司

感悟。擢出來。恣所爲。賑之。民賴以活。移臨海令。民愛信之。如父母。召爲勅令所。刪定官。遷國子監丞。出知全州。減郡費。寬商稅。輸租得自。弊。量無斛。而擇學師。長其子弟。而親執經講說。曰。此古人所以富庶而教之也。丁外艱。民哭扶其柩。至境外數十里。曰。何時復此太守乎。服除。知濠州。尋遷。提舉浙東常平。命下卒。

提點江東刑獄羅宗之仲舒

羅仲舒字宗之。慈谿人。以春秋登王容榜。進士第。授安慶教授。調常德學政。修舉。陞宜教郎。知宜興縣。遷太學

州士陞對稱旨遷秘書郎時寶玉來歸議舉慶典仲舒
言三邊未靖不宜重費累遷至福建提舉常平茶鹽會
大水編筏救溺以萬計仍發粟賑之改提點江東刑獄
黠吏獻議於韶守更鬻鹽法而官專其利舟運不通民
數月不得鹽仲舒責吏曰奪民而絕其利者汝罪也笞
而流之饒人爲之語曰前葛後羅一臺二妙葛爲叅知
政事郊也歷官國子司業上章告老紹定初拜宗正少
卿以直顯謨閣致仕

蕭山令趙善濟

丞鄭承議附

趙善濟四明人乾道中令蕭山頑民徐彥明獻計恩平郡王欲以湘湖爲田善濟力爭之得寢歲旱九鄉人多爭水構訟集議繕修湖防至今賴焉時有丞鄭承議者不畏強禦朱統制在縣縱牧卒侵刈塩場草塩司奏其事榜許格捕卒刈草如故亭戶捍之致殺傷其四人朱屬吏以毆擊論死者八人獄成令已署案次及丞鄭育吏曰榜旣許人格捕殺之罪輕今以他事論死民甚冤案不得書我名吏惶懼退易前案八人皆免死

烏程尉應自得僚

應係字自得，昌國人。六歲能詩，登紹熙四年進士第。諫烏程尉議毀淫祠，獨存徐孺子廟。隣邑有沈氏兄弟訟財，郡檄係按實係委曲開諭，適沈有子魁鄉薦，因賦詩傲之，有云：嘉木灌藜，春意好，可憐不種紫荊花。兄弟感悟，其爭遂息。官至文林郎。

知海鹽劉全之銓

劉銓字全之，樂清人。進士。隆興中，知海鹽。大水害稼，被檄檢傷，放秋苗數萬斛。貧不能輸者，請於朝，得停閣勸富人發廩賑。飢民無耕資，貸於郡，給之。學舍久廢，徹圭

租二百斛。倡修之政務。慈和。飭以儒術。耻於進名。而顧名之甚遠。至今猶稱循吏云。

知餘姚施武子宿

施宿字武子。長興人。慶元初。知餘姚縣。其爲政務大體。興廢舉墜。不事細謹。尤加意風教。市田置書。教誨學者。姚北瀕海。歲役民修堤。民甚苦之。宿更築石隄。建莊田二千畝。以備修隄之役。功與前令謝景初同稱。

黃巖尉楊子美王休

楊王休字子美。象山人。幼肄業僧舍。雪積其背而不覺。

覺乾道中舉進士仕爲黃岩尉有豪民植奸黨號三神
王休捕得之具罪狀於府黔徒他郡人稱爲鉄面少府
遷南康軍判官時朱熹守郡事悉委之獨經界賦以甦
民困後守洋州全州大興學校考商於險塞以備邊絕
餽遺惟軍用得取於公帑除益利路轉運判官金州大
災悉發庫錢賑之兼提點刑獄大修棧閣鑿鬼愁灘堰
墓頽山分西城漢陰二利三邑馬綱以便民築漢嘉西
門石梁蜀民德之積官至吏部侍郎卒於家

吉州司理杜敬叔思恭

杜思恭字敬叔上虞人登淳熙進士歷吉州司理平反
冤獄發粟賑飢民受其惠官滿代去遮留者以千計終
平樂令時名士陸游周必大楊萬里並以國士期之至
表薦於朝曰學貫六經文師兩漢可備著述惜未用卒

知新昌鮑清卿瀟

鮑瀟字清卿永嘉人登乾道進士第教授處州興化軍
湖北運幹知新昌縣倅濠州知湖州乞祠知融州復奉
祠而終積階朝散大夫瀟智識精敏行事超卓永思陵
後土瀟主新昌頓迹中貴與衛士輩求索紛雜他邑失

魂魄奔命。瀟取少霄。所執籌籤。削之頽運。河立日大。行在道。率士悲隕。小縣排設。既一一應法。而誅責不已。吾創兩目。蹈此水爲百姓請命。衆大驚謝。過民免橫歛。葉水心銘其墓。

知臨安潛君高說友

潛說友字君高。縉雲人。由進士。歷官知南康軍。浙東安撫使。兩浙轉運使。知臨安府。才器宏大。善朝繁治劇。時臨安爲京都。凡宮臺財用。廟堂意。嚮民訟之。曲直物價之低昂。皆圖於審度之內。先任是官者。多以曠職去。說

友處之裕如以戶部侍郎轉尚書官至端明殿學士縉
雲郡伯出知平江

知慶元林和叔大中

林大中字和叔永康人舉進士歷官侍御史以忤韓侂
胄出知慶元城南民田每患潮溢不可種大中捐公帑
伐石築隄民不知役而蒙其利郡忽訛言夜有妖大中
謂此必黠賊所爲立捕黠之人情遂安乞祠得請已乃
爲言者論列罷歸卒

遂安守曹器遠叔遠

曹叔遠字器遠，瑞安人。登紹熙第，爲國子錄。以忤韓侂胄罷。通判涪州，歷四川。麾節，後守遂寧。時營卒莫簡苦餉，臣侵刻，因脫巾稱亂，勢張甚，遂入境，輒戒其徒毋肆暴。曰：此江南好官員也，不可犯。尋入朝，爲工部郎，出知袁州。以太常少卿召，除樞禮部郎。遇事獻替，多所裨益。終徽猷閣待制，謚文肅。嘗編永嘉譜，議者謂有史才，今行於世。

餘干尉桂夢協萬榮

桂萬榮，字夢協，慈谿人。登慶元進士，授餘干尉。餘干故

多豪右一以紀律繩之御小民以慈愛于弟獲訓迪者
耻爲不善秩滿民爲乞留調建康司理時相欲招致之
啖以京官固辭就職差主管戶部架閣除武學博士轉
學上方需用力求外補通判平江時守朱在政尚嚴
刻以益課拘繫甚衆榮具書告在不從乃挾行床與所
拘人同寢在媿卽委縱遣焉陞守南康先是軍士驕悍
至則帖服檢吏姦者浮費征税以法民辛其利進直秘
閣遷尚書右郎屢疏乞老奉祠崇禎壽九十卒榮嘗築
室東山之麓號石坡書院讀書其中取古人資於折獄

者類成棠陰比事行於世

南陵簿洪叔毅琰 子寧祖所

洪琰字叔毅淳安人登紹熙進士第主南陵簿攝縣事歲旱郡官屢畝不以實飢民彌聚琰從容麾散尋遷盱眙司法青平山盜起琰致渠魁斬之盜卽潰改清江決獄如神人咸服之奉仙都祠十年卒子寧祖補合肥尉改光州錄事時金將亡寧祖屢出奇計勝之人服其才略改京官宰德安魏了翁督師江淮辟入幕府卒

海陵令陳仲宏之綱 兄之經弟之純附

陳之綱字仲宏崇德人與兄弟之經之純同舉進士之
綱宰海陵修捍海堤民蒙其施之經字仲綸教授德安
會有邊警與諸生習兵法虜果入寇郡將命奉檄求援
夜縋城以出至鄂告宣司發兵二千人又倍道星馳達
行在所得兵符調江池孟師濟等軍赴援虜遁去陳攻
守得失軍政繆戾數十事請加賞罰以肅軍旅時皆壯
之之純字仲誠紹熙間作資時朴議二十篇以進縣令
奚士達請典鄉校教人勤懇官至臨安宰以體幹稱

判通州李謙仲大有

李大有字謙仲，東陽人。登慶元二年進士第，判通州民田。歲苦旱，大有相地勢，鑿五狼山石麓，引江入河，以溉之。自是歲以稔告，而商船亦竟達城下。諸貨網聚，爲通州無窮之利。攝郡事，吏持案白事，例錢合自支送。大有判曰：有例可送，無法可支。悉却之。入朝，主管官誥院，改太常寺主簿，遷博士。卒於官。大有與弟大同極相友愛，內外數百指，猶同堂共食，無間言。寧宗爲大書怡怡堂三字以旌之。

嘉興通判胡達卿朝頌

胡朝穎字達卿淳安人登乾道進士第歷武昌令通判嘉興時宰相鄭清之家奴暴橫朝穎執置諸法移書謝云以天子之命官撻宰相之奴僕罪當避位清之得書以聞帝喜曰得一佳士矣除守岳州兼湖北提刑至官謂其地爲東南上游非諸生坐嘯之地乃精士類厚公蓄嘗以道學不明詞章隘陋爲歎慨然自信其獨見而躬行之諸生及門者皆超然拔於流俗之表有靜軒集三卷武昌雜詠西湖百韻詩餘各一卷

宜春丞喻伯經傳

喻侃字伯經，義烏人。登慶元進士第，調宣城尉。時金人犯淮，府檄令尉餉軍，由歷陽達鍾離。鍾離乃敵衝要，法當以重兵護糧，護不滿千人，令畏縮不敢前。侃奮不顧難，遂行卒，致餉於濠。羨餘弗私，遷慶元觀察推官。調隆興，復爲宜春丞。宜春地接贛吉，吏珥筆成風，民善訟。侃忤諒直聽，必以情民退，無後言。凡訴臺部者，必曰：「得宜春丞一聽，死無憾。」改奉議郎，簽書鎮南軍節度判官。歷公事，改章服陞朝奉郎，遂請祠歸。築室夫人峯下，曰蘆隱。所著有蘆隱類稿五十卷，隨類錄二百卷。

刻令史子由定之

史定之字子由丞相浩之孫也嘉定間令刻清訟治蠹奸黨屏息考正疆界刊定稅籍宿弊一時盡洗嘗捐俸以代民輸奏蠲和買纒四百餘疋築城修學百廢具與治爲一時最詳李宿所撰治績記

知潯州陳元凱舉

陳舜舉字元凱崇德人第進士歷知潯州重教養清淨化民民以無擾嗾寇起傍郡相戒勿犯潯州清太守邦人德之祀於學宮改知宜州宜民亦祀之如潯

福建提舉徐恭先愿

徐愿字恭先，昌國人。少游太學，文章爲儕輩所重。登開禧元年進士第，居官介潔，蒞事以勤。後除福建提舉，適黃勇寇發，衆皆縮頸退避。愿獨晏然無懼，婉言撫諭，寇頓首請罪。事平，入爲司兼都漕。愿嘗受業於袁燮之門，故文學政事卓絕一時。

知臨安趙德成立夫

趙立夫字德成，樂清人。登開禧第，調龍泉簿，再中法科。由評事累遷大理寺正，出知湖州，改嚴州，儲粟備荒最

聲上徹召爲刑部進太府卿兼知臨安府首以循理二字諭俗入對理宗語之曰京師細民當一意撫摩使常在春風和氣中遂於府西建春和樓推廣德意奉祠去起爲浙西提刑兼守平江有旨和糴立夫奉詔糴二百萬斛不擾而辦二年復以戶部侍郎兼京尹郡民間之皆喜曰我輩又在春風和氣中矣尋除刑部尚書繼以論罷起知婺州引疾授龍圖閣待制提舉萬壽宮進寶謨閣直學士卒立夫性敦厚仁恕嘉熙大飢日粥數千人數月不倦病者療之死者瘞之杜範聞之曰趙德成

活人手也。

知睦州王元敬

王必字元敬，金華人。淳祐元年，以朝奉郎知睦州。先是嘉熙四年，夏秋大旱，野無青草。及是春，民食相蔽，不給路殍，相枕籍。必下車，首扇厨，傳節浮費，一意救荒。乞米於朝，勅分於鄉。民賴全活者數十萬。已而修州學，行鄉飲，新釣臺書院，羣子弟之秀者而躬訓之。變枵腹爲含哺，而絃歌之聲作於飢饉之餘。考吏治者，至今以爲不可及。

知南昌樓元齡大年

樓大年字元齡，義烏人。登嘉定癸未進士，調青陽尉。尋知嘉興青龍鎮，擢遂安縣令。改知南昌，爲政先教化，而後刑罰。建利去病，若嗜欲然。縣民夜行，爲仇家毆死，事覺，賂其甥來就辟，甥自陳殺民狀，甚悉。大年疑之，亟命丞往驗，丞受賂，使焚屍以滅迹。大年怒，聞於府。屬錄事覆實，錄事復受賂，如丞。大年正色抗辯，錄事爲引去。上之憲臺，令觀察推定，重讞事。始白，民敬之如神。遷通判吉州，提點刑獄。李迪以大年廉慎，命錄一道滯囚。大年

隨重輕而疏裁之抱成案就迺言咸聽未幾攝郡事江東大姓查氏以父遺書據幼弟資產幾六十萬弟長訴之縣州歷二十年不解迺曰非清白吏如大年者不足以究此以其事下大年舉張詠決子婿爭財故事爲例命歸其弟人以爲允換承議郎提領戶部犒賞所主管文宇尋陞朝奉郎卒於官

知橫州陳正之大紀

陳大紀字正之永嘉人第慶元元年進士調邵陽縣尉遷廣州歸德監場陟來賓縣令轉廣州兵鈐陞樞知象

州改知昌化軍。知橫州。秩滿適妖賊侯廣李藍六作亂。鬱林桂州並爲盜區。廣右騷然。當諸司環視却立之時。大紀慨然以平寇爲己任。奉檄卽行。節制飛虎摧鋒兩軍。號令嚴肅。動中事機。親冒矢石。與士卒同甘苦。旣開諭賊徒散其黨。與禽其渠魁。訖事。僅五閱月。入朝奏對。召試閣門舍人。以平賊功。轉兩官。主管建昌僊都觀。連知雷州懷慶府。主管華州雲臺觀。引年致仕歸。大紀爲人樂易好施。與鄉里或值歲歉。則傾廩以濟。士論推其有序德云。

知嘉興孫守叔夢觀

孫夢觀字守叔，慈谿人。寶慶二年進士，調浙西提舉司幹辦公事，尋通判嚴州。歷知嘉興府。所至布衣蔬食，躬行節儉，蠲租稅省刑罰，有古循吏之風。

知建康馬華甫光祖

馬光祖字華甫，東陽人。寶慶二年進士，調新喻主簿。歷官直徽猷閣，知太平州。累遷戶部尚書，歷陳京師艱食，和糴增價，海道致寇三害，加寶章閣直學士。沿江制置使江東安撫使，知建康。始至官，卽以常例公用器皿錢。

二十萬緡支犒軍民減種稅養鰥寡孤疾無告之人屬
縣稅折收絲綿絹帛倚闕除免以數萬計興學校禮賢
才辟召僚屬皆極一時之選拜端明殿學士知江陵府
既去而建康之民思之不已帝聞令再知建康士女相
慶光祖益恩寬養民力興廢起壞知無不爲蠲除前政
逋負錢百餘萬漁利稅課悉罷減建平糴倉以利小民
公田法行光祖遺書賈似道言其非便乞不及江東必
欲行之罷光祖乃可召赴行在遷提領戶部財用兼知
臨安府浙西安撫使會歲飢榮王府積粟不發光祖謁

王王舜以故及三往客次王不得已見焉光祖厲聲曰
天下孰不知大王子爲儲君大王不於此時收人心乎
王以無粟舜光祖探懷中帖曰某庄某倉若干王無以
舜得粟活民甚多再以沿江制置江東安撫使知建康
郡民爲建生祠六所尋拜叅知政事樞密院事以金紫
光祿大夫致仕卒謚莊敏

知於潛吳君友舜龍

吳舜龍字君友永嘉人登紹定第教授處州知於潛縣
能以清約裕痼瘵邑人有知縣只飲於潛水之譽擢監

察御史、徙秘書少監，出爲浙西提刑，奉命慮囚，按歷所至，舉無冤枉。以大理卿召，尋奉祠卒。舜龍氣宇質朴，心事坦夷，無疾聲厲色，一榻蕭然，惟書冊筆硯自娛而已。

福建轉運使鄭山甫如岡 子思問附

鄭如岡字山甫，青田人，以父汝諧蔭，歷官新淦、金華、令、守、衢、婺二州，江東提刑，福建轉運使，一以簡靜爲治，入爲吏部侍郎。紹定六年，劾定六年劾定猖獗，聲撼永嘉，邑羅告竭，如岡移書廟堂，通浙東港禁，及置惠民倉，民感其德，相率繪像事之，封開國男。子思問用祖蔭，知武義縣，有活。

民政聲聞大著。歷官兵部侍郎。封縉雲郡侯。

知侯官項無欲公悅

項公悅字無欲。永嘉人。出仕所至。有政聲。初調閩縣簿。再調福清縣簿。邑有七賢之誼。公悅居其首。改無爲軍司理。讜閱忘寢。食園土爲空。制司有屯租。帥檄委收。舊例解面加鹿輪者。不勝病。公悅一去之。且條陳弊事十餘。師器重。特薦於朝。留再任。改秩知侯官。治加恢拓。庭無朴聲。會歲旱。禱雨瑞澤。潭潭在萬山頂。披棘徒行。烈日中。數十里下山。驟雨隨注。兩晝夜。歲稔。而公悅病。賜

矣。病革，家人環泣，問以身後不應，再問，瞪目曰：「某囚，款未圓某事，未能竟一語，不及私林石室銘之日，以死救民，誰則有此循吏之傳，孰筆其死？」

知撫州程應辰士龍

程士龍，字應辰，慈谿人。登吳潛榜進士第。主句容簿時，歲飢，督濟有方，老弱賴以全活。知仙居，遷知臨江軍，多善政。民爲立祠。除國子監丞，遷右曹郎。改知撫州，謹刑，患民城中有夜半殺人者，逮繫至六七十人，獄成，士龍疑之，俾臨川宰密察之，得其辟捕之一訊而服，民作平寃。

歌頌爲神明云。

知睦州季伯韶鑄

季鑄字伯韶，括蒼人。父衍官淮西安撫使，以父澤補將仕郎，歷任隨地。有聲淳祐十二年，知睦州時，大水被九州，園闕爲壑，壞公私廬舍無數，民苦溺且飢。鑄既至，虛已問俗，首蠲私苗十六，力請於朝，寬京府權糶之令，發廩分賑，捐抽解場木，予被水之家。未幾，頓復舊觀，民忘昏墊。進浙東道提舉，知紹興，改任兩浙轉運使，終戶部侍郎。鑄篤實樸密，愛民利國，交際士大夫，每舉事中節。

人皆以爲不可及。

知崑山項德潤公澤

項公澤字德潤瑞安人九歲中童科弱冠登紹定壬辰
進士第初任龍溪尉再丞長洲改知崑山縣積俸資買
田二頃以克學廩復買田計米若干石以給囚糧親爲
文勅諸石以防湮沒陰德在人至今猶頌之不衰官終
中奉大夫吏部郎中歸老於家復置義莊義田以贍其
族自號曰雪坡老人

知崇安趙立夫必愿

趙必愿字立夫以大父汝愚遺表補承務郎銓監平江糧料院調常熟丞嘉定七年舉進士知崇安縣剖判如流吏不能困修學政立催科法列戶名爲三等以三期爲約足者旌之未足者寬以趨之踰暮不納者里胥程督之民皆感悅願輸革胥吏鬻鹽之弊擅發光化社倉活飢民帥怒逮吏欲懲之必愿曰芻牧職也吏何罪東擔俟譴帥無以詰而止力主義役之法鄉選善士任以推排入資買田助役則免有產之家有感化者出已田以倡遂徧行一邑上下便之臺府以聞下其式八郡四

十八縣後滿民共立祠刻石授湖廣總所幹辦公事除
克兩浙運司主管文字歷知全常台處四州一循大父
之政端平元年以直秘閣知婺州遷太府丞歷官戶部
侍郎權戶部尚書忤丞相史嵩之乞免官乞祠皆不許
淳祐五年以華文閣學士知福州卒贈銀青光祿大夫
必愿平易以近民忠信以厚俗剛愎以勤政才周器博
心平量廣而又蚤聞家庭忠孝之訓師友正大之言故
所立卓然可稱云

知安吉陳道初淳祖

子添源附

陳淳祖字道初，瑞安人。登嘉熙第，知錢塘。以治最聞，除提轄榷貨務。上萬言書論時事，忤宰相，出通判徽州。以選知南康軍，撫治有功，除秘書郎。遷著作郎，兼吏部郎。浙西水，以倉節兼知安吉州。賑卹有方，列城按堵。移福建提刑，召爲吏部郎。遷司農少卿，兼左司。時柄臣賈似道，每以周公自擬。淳祖識之，似道聞之，怒，免所居官。久之，起爲湖南轉運副使。卒。子深源，字直翁，善文翰，丰神散朗，有晉宋風。

台州郡曹唐識通聞

唐開字識通，山陰人。以陰授將仕郎，爲台州郡曹，治獄
恕而有執，不屈意阿上，指稍不如法，輒請去。太守劉光
以是賢之，聞儒術立身，其爲吏務在愛民而不爲姑息。
初，罷臨海令，以母高年，求丞上虞，以便侍養。時人稱其
爲孝。

通判袁州徐文之瑒

徐瑒字文之，嚴陵人。紹定三年，通判袁州。下車，歲當大
歉，穀價日騰。瑒首議發廩，委吏抄城內外下戶八千七
十九家，合寓公大家官司排日出糶。未幾，准省劄攝守。

草孽荒政益不飽。契義羅罰閉糴。傾州儲倉以濟常平。
力懇外臺通融米禁。全活飢民。不知其幾。貧者給鎖病
者給藥。死者給棺。收養嬰孩。至數百。民深德之。列肆且
且爲焚香祈福。他如擊豪強。杜請謁。假神以惑衆。斂財
者。盡斥去之。甫一考。擢守建昌。去之日。傾城士民夾轂
焚香而送之。出境後。返覲立生祠。肖像以祀之。香火之
盛。迄今不衰。

安吉丞王謙父攝

王攝字謙父。鄞人。登嘉定進士第。授安吉丞。攝令長興。

捐俸賑水災民賴以不飢再攝新城斥餘財五萬燭代
貧民賦遷國子正將作監主簿時丞相史嵩之專政乞
補外以避通判婺州御史劉晉之誣衢州掾慮囚受賕
刑獄使者不直之命搗審實搗卒白馬士民莫不稱允
晉之雖怒終亦不敢加害晉之蓋史相黨人也後攝郡
去之日以羨財數十萬籍於官改秘書丞後守徽州郡
廩亡三月之儲墜解去粟支一年帛萬匹所宜得錢復
以助少府用遷吏部郎中奉榮政驗說書嘗預修四朝
史輿服志六卷其手筆也識者以爲有良史才

知建平施德懋

施德懋會稽人。端平間進士。知建平。以操幹聞。值歲飢。多方拯。拯全活甚衆。縣故有學士。以無養失業。德懋奏置田五百畝。招徠俊秀。躬教飭之士。類率興如中州。建平之盛。文學德懋之力也。至今祠之學宮。說者以其功與胡文定等。

衢州侔范叔端士表

范士表字叔端。蘭谿人。丞相鍾之從子。嘉熙戊戌。以別院亞選登第。由廣濟簿。歷宰湘鄉。以治行聞。侔於括。又

倅於衢適郡民有嘯衆爲亂者守懼委印去人心大震
老弱星散奔進士表攝郡協僚佐集謀畫爲備禦計登
城撫勞益兵誅討越半旬元惡授首妖黨鼠竄十萬生
靈賴以全活軍民雷動惟呼曰我輩若無范權州皆爲
魚肉矣司封郎中杜夢炎誌其墓稱士表恭而禮仁而
勇庶而能洗手奉公不可干以私有全活衢郡之功而
賞不酬勞祿不及德公論憾之

知新昌周正輔備

周備字正輔安吉人寶祐中知新昌剛正明敏不畏強

禦時相丁大全引用汚吏預令州縣上供備舉手藝天
日備頌可斷決不爲新昌開此例上命督責愈急備終
不變當時咸以頌今日之其後他州縣被害積五六年
不已而新昌以備故獨免秩滿攝監察御史忌者譏臺
臣劾去公論惜之

守建昌木德遠天駿

木天駿字德遠瑞安人登嘉熙第教授永州發明張南
軒之學以淑諸生課講嚴整士論允愜再調福建帳司
知閩縣閩劇邑號難治有政聲後守建昌郡人包恢若

政府族子倚勢不道。漁獵小民。天駭入境。投牒相繼。逃至黥竄之邦。人作去思錄。紀其事。知饒州。久之。除太宗。永通攝考功諸曹卒。

知太平程子爽塏

程塏字子爽。崇德人。以進士。歷州郡。所至興學好士。以名義爲重。軍民愛戴。積官浙西提點刑獄。知太平。發公帑代民輸折絲帛錢五千餘萬。作浮淮堂。以處淮士。擢其俊秀者躬自訓督之。士風爲之興起。官終樞吏部。身書端明殿學士卒。謚清毅。

知台州許肯說于良

許子良字肖說東陽人嘉熙進士第調主餘姚簿未上用宰相喬行簡薦歷太學博士請外出知饒州改知台州弊蝨相仍負上供錢三百餘萬子良務爲節縮凡典例所宜得者亦謝去居半載郡計裕如子良聽訟據案與兩造相爾汝以察其情情既得卽決遣之同僚與吏無所容其私皆忌之吏白每歲以錢折米二萬斛子良又不許而禁卒有不便者於是嗾其毆獄吏以抵之且相與出危言于良知墮計卽委印去子良性情清介不

同流俗與人交極尚風義赴急扶顛斧鉞在前弗顧也
然剛腸疾惡面折人過世多嚴憚其襟懷夷坦無纖芥
言茹意則人鮮知之者

知典國趙應甫逢龍

趙逢龍字應甫鄞人刻苦自修問學淹博登嘉定十六
年進士第歷知典國信衢衛袁五州提舉湖南廣東福
建茶鹽常平清心苦節日坐公堂事至卽決撫諭惻怛
恒以天理民彝爲言民不忍欺常廩外一介不取民賦
有逋負悉爲代輸斥羨餘爲平糶本後除將作監擢宗

正少卿兼侍讀凡道德治理之要縷縷爲上陳說致仕
家居四方學士多從之葉夢鼎自宰相出判慶元執弟子
禮尤謹謂師門庠陋欲市其隣居以拓之逢龍曰隣
里相安一旦驚擾彼雖勉從我寧不媿鄉人稱其厚德
知華亭楊廷潤瑾父晞正弟瑤附

楊瑾字廷潤餘姚人父晞正篤厚君子刻意教瑾及瑾
弟瑤皆第進士瑾初試餘干尉移監華亭稅從嘉興守
趙與憲主抄掠田園詭慝畢露遂攝華亭罷其縣民積
逋及胥吏白納錢酒稅無藝之征吏民請於朝願以爲

令從之。於是修經界立表役。前令所不能辦者。皆次第舉行之。華亭父老謂自有邑以來未之見也。遷判平江。送者填道。終大理。卿直寶謨閣。學問操履文章政事當世推重之。

諸暨簿童行簡居易

童居易字行簡。慈谿人。登嘉定己未進士第。補登仕郎。時朝議欲使諸路置買浮鹽司。除擬已定。居易爲屬官。叩光範門。歷陳利害。命遂寢。相國趙葵開閩淮東。以居易攝天長簿。時諸路屯兵。每歲索熟制閩下令禁民。

採取民夫其利居易惻然上書乞弛其禁制閩從之旁
九郡皆獲免丙申冬虜攻城急邑令與主將不協軍民
疑阻危在旦夕居易力爲陳解捍防備至城頽以全調
諸暨簿境有惡少攻剽爲姦尉莫能致居易以計悉擒
之民乃安堵謚曰童主薄威如虎愛百姓擒跋扈上績
課最轉宜義郎知秦寧移判夔州遷太學博士幸以身
教學者仰之以言會子忤旨出判吉州陞中順大夫知
德慶府夷獠雜居民悍難化居易撫以豈弟之政三載
民樂畊桑門不夜闔獄囚屢空尋上章乞歸居杜洲之

濟學者多從之。稱杜洲先生。

武進丞趙安行若恭

趙若恭字安行。太府卿時詒之子。年二十。以門功補臨安新城尉。遷蘄州司理。轉常州武進丞。攝宜興令。宜興豪猾周辛與其黨樂大五環所居爲城。以棧填坑出入。二十年不輸公賦。吏累捕之。乃決水漂棧。捕者死。竟不獲。恭曰。是可縱乎。卽白府。選甲士焚其居。獲辛等二十餘人。獄成。讞於朝。戮之。以能改浙西提刑司幹官。獄有吳良言。媿已而媿。縊死。吏進牘。夜。謝風滅燭。然之又滅。

恭怪之輟而寐。夢一老姥謂曰：妾吳良嫂也。冀理冤獄。明日核其事。乃良兄正通婦妻憤而縊。正以妻先三月嘗與良詈。陰遷妻尸掛良戶外。因坐良恭白諸提刑。良得脫。屬舉進士。復舉刑法銓。當除大理評事。賈似道嫉之。出爲福建提刑司檢法。平反莊縮等獄二十餘。召爲大理評事。添差通判泉州。時方就試宏詞。未上。會元兵至臨安。秀王爲察訪使。辟主管機宜文字。仍俾率師守台州。及城陷。憤鬱不泄。圖欲復之。未幾以病卒。

知福州陳叔方昉

陳昉字叔方，兵部侍郎峴之子，以父任入官，知浦城縣。盜起隣郡，措置得宜，迄不犯境。繼而老弱阻飢，極力賑救。境內以安。真德秀薦之朝，召赴都堂，與劉克莊等號端平八士。遷司農丞，出知寶慶府。未上，除大宗正丞。進直煥章閣，樞密副承旨，權吏部侍郎。丐去，知福州。重士愛民，威惠兼至。蠲宿逋，却例冊，去郡之日，帑庾克初闔人論良牧，必以昉爲首。召爲工部侍郎。景定初，以寶章閣待制知建寧府。屬邑產禾一本，四十餘穗，人以爲善政所感，除吏部尚書。引年，拜端明殿學士，提舉秘書省。

進職資政殿致仕卒謚清惠

知德興楊君寶珏

曾孫恕附

楊珏字君寶，鄞人。登紹定進士第，授上虞尉，調贛州教授。先是學計，益於前官，廩餼不給，乃捐私橐以助庠校。一新改，知饒州德興縣。縣多奸民，肆爲跋扈。前令率墮其機，奔八年之間去者五人，飲氣死者一人。珏言於監司，設法追捕，服其辜，奸爲屏息。邑居四山之僻，民多艱食，珏乃節用積錢一百萬，置米千斛貯之，顯惠倉。歉時出之，以平市價。進朝奉大夫，召對稱旨，轉朝議大夫出。

知寶慶府會行公田法下郡邑珏曰政以利民不利而行如吾民何不奉令御史朱雍孫劾之免官歸郡民莫不悲泣珏爲人剛明正直不附權貴始終廉介貧至鬻器以自給裕如也魯孫恕字仲如篤學力行歷官憲司知事宋祚將危以忠義自勵不食數日赴菱塘而死

噉令陳子徵著

陳著字子徵奉化人登文天祥榜進士相國吳潛等以著才可大用相繼薦於朝時賈似道當國諷其及門著曰寧不登朝不爲此態遂出授福安令改知噉宗室外

威有居曠者持一邑樞前令率以譴去缺令者十有七年又有豪貴布兇徒於僻地剽繫行人役於家及造白契占人田產者著至政教並舉獨持風裁諸豪乃斂戢民賴以安在曠四年代者至民乞留不得祖帳遮道數十里民不忍舍因易嶺名曰陳公嶺以識去思代者李典宗謂著何以教我著曰義利明而取子當教化先而獄賦後識大體而用小心愛細民而公巨室如是而已累官監察御史知台州

青田丞黃約之仁儉

黃仁儉字約之奉化人初主淳安簿淳安俗獷悍歲時
覘渡多殺傷尉懼而在告仁儉攝事處之帖然不譁轉
監台州支塩倉攝郡幕給軍衣有紕薄者羣卒攘臂以
騷坐上皆失指仁儉徐呼其長諭以禍福羅拜曰黃佛
子言敢不聽遷青田丞時永嘉遣海船籍篙師爲兵乞
取家屬小人乘勢指怨家妻女爲家人帥司檄使覈實
得免人咸德之仁儉書法甚精源流二王而道勁似歐
陽率更真草行書皆見於世至今石刻猶有存者

元 共二十人

知海寧臧夢解

臧夢解慶元人。宋末進士。第未官。而宋亡。至元中。以薦授知海寧州。剛直。庶慎門。無私謁。凡差役。皆當貧富。而吏無所高下。戶口增。田野闢。政平訟簡。為諸州縣最。時江陰飢。江浙行省。委夢解賑之。夢解不為文具。皆躬至。其地人。給以米。所活四萬五千餘人。事聞。除同知桂陽路總管府事。轉奉議大夫。廣西肅政。庶訪副使。故事。州瘴之地。行部者多不至。而夢解獨遍歷。按貪官奸吏八千餘人。遷江西肅政。庶訪副使。有臨江路總管李調素。

狡猾。又附大臣勢。以控持省憲。夤解接置於法。一路肅清。遷浙東。肅政。庶訪副使。轉廣東。以老病納祿。卒。夤解博學洽聞。爲時名儒。而敏於政事。其操守尤爲介特。所著有周官考三卷。春秋微一卷。

廬陵簿范煥章文中

范文中。字煥章。定海人。幼失怙。事母克孝。大德中。民飢盜起。文中手縛渠魁十數人。歸於有司。餘黨竄伏。中書奏授慈谿。鳴鶴。巡檢。陞歙縣主簿。尋調廬陵。習俗諱健。素稱難治。民蕭甲與子殺人。以誣怨家劉乙。文中覈實。

遂置甲於法而籍其家。豪右無不警服。先是被郡檄，雉稅於江陵者，率浮其估而利其時。文中承命，痛絕煎焚，得羨錢六萬餘緡，悉還於官。以廉能遷吳江州判官，擢知沙縣。造義倉以備凶荒，崇儒學以興禮讓。年七十，投牒而歸。

溫州路總管夏若水

夏若水，錢塘人。世祖至元二十九年，授溫州路總管。初至郡，歲歉，廣招米艘，民賴以濟。雪冤獄，創永嘉書院，朝命造征仄哇船。若水慮更胥病民，令民備材，躬董其役。

民咸德之。

龍溪尹趙敬叔大訥

趙大訥字敬叔，浦江人。起家譯官掾，調泉州錄事。大盜起寧都，泉之無賴男子，嘯聚應之。遂謀來攻城。大訥作柵以禦其衝，盜爲引去。遷興化錄事。轉龍溪尹。俗尚鬼，疊石作屋，奉紫衣神，黠民將爲奸利，必牲犬以祭。大訥投神江中，移石以修孔子廟庭。縣多山，畝洞獠官稍侵之，輒弄兵暴掠，至煩。大將出屯，經年不解。大訥調禦得術，服從如良民。邑大姓怙勢殺人，郡守受其財，出之大

訥抱案詣府。歷指其奸。守怒。陰中以他罪。大訥略無所
懾。改永春。俄遷永嘉。永嘉計口賦鹽。民以爲病。大訥建
請。令富商轉售之。民皆稱便。州城枕大江。水暴。岸善崩。
大訥列植巨木。先以箕芒殺浪勢。然後實土。以石甃之。
岸凡數千尺。得不壞。進知永新州。州民素豪。勢出守吏
上。聞大訥至。皆畏服。不敢吐氣。鵠湖羅陂。皆羣盜藪。時
出爲過客患。大訥用奇計。翦其渠。魁餘黨奔散。鄉飲酒
之禮久廢。大訥講而行之。賓主就位。獻酬有節。揖拜有
容。觀者歎悅。在官二年。告老歸。大訥性剛直。不憚大吏。

屢典劇縣皆有能聲卒胥無敢出鄉宿稱元老亦相率
遠道數平反冤獄民爲立生祠以祀或以事如遠鄉父
老幸子弟聚觀口此趙侯也其爲人愛慕如此

知蘄州凌懋翁

凌懋翁歸安人任秘書郎出知蘄州實心愛民卽撫明
僚如赤子廣西蠻入寇懋翁帥衆禦之寇望見曰此凌
知州也額手而去總帥遂命入他峒招諭幸皆款服與
試江西時稱得人仕至翰林直學士

判諸暨柯自牧謙

有諱字自牧天台人判諸暨治獄多平反賦役有困民者力爭於上而除之嘗捕蝗境上有相率爲淫祀者取土偶人踣而鞭之以示民曰此不能與命吏共禦災祀之何益明日毀其祠蝗忽飛去後遷江浙儒學提舉

沂州同知彭允誠廷堅

彭廷堅字允誠瑞安人登至正乙酉第授益都沂州同知毀牛皇神祠驅隣郡上馬賊免橫急徵歛民甚安之十年除建寧崇安尹其蒞政如沂州時民咸服其威信鉛山寇周良犯閩關獨不敢窺崇安境明年以靖土功

擢建寧路同知。江西寇熾，廷堅定建陽平浦城，進薄邵武，設雲梯火駁，急攻賊，不能支，追殲其渠魁，尋以克復功陞福建副帥，分鎮邵武。又下建寧，降其衆，未幾盡侵政和行臺檄廷堅討之。時鎮撫萬戶岳煥隸麾下，縱兵爲暴，廷堅治其事，煥懼，乃使部卒爲賊突入左右，皆潰。遂遇害。年四十三。葬崇安民巷，哭如喪父母。故行部御史庶其狀，爲誅首謀，上其事，贈中奉大夫，福建道宣慰使都元帥，謚忠愍。

施容州判官陳宏父達大

陳達大字宏父浦江人少好學儻有大志時邑里初
附山谷強獠嘯聚爲寇達大計執其渠魁餘黨解散郡
上其功試施容州判官遷平陽所至治績爛然民皆愛
戴以病免歸卒

松陽令孫以誠德潤

孫德潤字以誠錢塘人由江浙行省掾史仕爲處州松
陽令先是縣籍失實力役無稽民困於徭役適郡符下
縣德潤欣然力行計畝均役之法於是以方田履其頃
畝以土會等其硲沃以出貢賦定徭役籍既具適南北

多事征歛旁午縣惟接籍征之民大悅錄其事刻於石
武康令沈夢麟

沈夢麟吳興人至正間由婺州學正遷武康令以儒術
錄飾吏治不尚刑罰民愛若父母而吏亦懾服無訛法
者所著有花溪集

兩浙都轉運經歷王止善良

王良字止善諸暨人尚氣節讀書務明理以致用不苟
事言說歷官唐州錄事判官淮東宣慰司辟爲令史以
庶能稱又辟江浙行省掾史會朝廷復立諸市舶司良

建言若買舊有之船以付舶商則費省而工易集且可
絕官吏侵欺括克之弊中書省報如良言凡爲船六艘
省官錢五十餘萬緡歷建德尹除兩浙都轉運鹽使司
經歷紹興路總管王克敬以計口食鹽不便嘗言於行
省未報而克敬爲轉運使集議欲稍損其額以紓民力
沮之者以爲有成籍不可改良毅然曰民實寡而強賦
多民之錢今死徙已衆矣顧重改民籍而輕棄民命乎
且浙右之郡商賈輻輳未嘗以口計也移其所賦散於
商旅之所聚實爲良法於是議歲減紹興食鹽三千六

百引遷紹興海道漕運都萬戶府經歷紹興之官糧入
海運者十萬石城距海十八里歲令有司拘民船以備
短送吏胥得並緣以虐民及至海次主運者又不卽受
有折缺之患良執言曰運戶既有官賦之直何復爲是
紛紛也乃責運戶自載糧入運船運船爲風所敗者當
覈實除其數移文往返連數歲不絕良取吏牘披閱卽
除其糧五萬二千八百石鈔二百五十萬緡運戶乃免
於破家遷浙江行省檢校官有諳中書訴松江富民包
隱田土爲糧一百七十餘萬石宜立官府糾察收追之

中書移行省議遣官驗視而松江獨當十九良至松江
條陳曲折以破其誑妄言其不過欲竦朝廷之聽而報
宿怨且冀創立衙門爲徽名爵計耳萬一民心動搃患
生不測豈國家培養根本之策哉良言上事遂寢除江
西行省左右司員外郎在任歲餘以中憲大夫淮東道
宣慰副使致仕辛年七十一

紹興路治中金君澤德潤

金德潤字君澤浦江人爲人忠靖恪勤手不釋卷歷官
紹興路治中酷惡豪強所至屏迹人稱健吏

知餘姚葉敬常恒

葉恒字敬常，鄞人。判姚有幹局，籌畫久遠。姚有捍海堤，潮汐決噴，海益內侵，民最苦之。恒更築石堤二千四百餘丈，自是遂無海患。至正間，錄恒海堤功，追封仁功侯，立廟祀之。

知辰州陳中叔琰

兄宣子附

陳琰字中叔，東陽人。武舉進士第二。時母兄宣子由太學內舍，同年登進士第一門。兩科人，以爲榮。琰仕殿步兩司，禪贊非一端。平間召試，後省除關門舍人，出知辰

州撫綏軍民安輯溪洞終於郡治有太平十議雜著春秋三傳

知鄞縣許具瞻廣大

許廣大字具瞻天台人舉進士授慶元路昌國州判官再授武義縣尹俱以廉能聞至正九年調知鄞縣平差徭辨獄訟禮耆德獎後進歲旱禱雨輒應民歌頌之稱爲許父

知上虞韓自行諫

韓諫字自行天台人至正末知上虞時方軍興善取供

億民不擾而用亦不乏時有以夏蓋三湖獻長鎗軍者
諫言於督軍郎中得寢均西溪湖田定四等賦民咸利
之畏壘之祠至今不絕

處州路總管凌信翁德

凌德字信翁杭人至元間以懷遠大將軍爲處州路總
管連年值旱德乃露頂跣足行烈日中祈雨每禱輒應
有以詩頌之者日雨向心中得雲從脚下生郡人愛戴
之如父母

道平若無戲言議論侃侃務砥礪名檢未嘗以一事干
有司初教諭樂城學俗不知有禮則諄諄以禮誨之未
冠者躬爲之冠有婚喪者爲之品式使遵行焉樂人感
而化之雖婦女亦呼之爲俞夫子遷肅寧令治邑事如
其家甫踰年百廢具舉臺使者待以殊等然竟以勞瘁
卒樞還之日灑然敝篋所著明學錄通禮節要尊親錄
樂居司牧二集

翰林孔目支中夫立

子高孫祿曾孫大綸附

支立字中夫嘉興人事母以孝聞舉鄉試歷官翰林孔

自與羅倫相友善務敦本爲己之學爲詩文多有關世
教語尤深於經學號支五經子高孫祿皆貢爲學博魯
孫大綸舉甲戌進士以經學世其家

國子助教洪廷器魚

洪魚字廷器壽昌人天資穎悟年數歲父口授尚書過
耳不忘稍長博綜子史百家下筆爲文如川涌波騰數
千言立就父早喪哀毀成疾自肖小像於室旦夕饋食
如事生頃正德庚午鄉薦授福建邵武縣學教諭其俗
尚鬼而佞佛魚至卽移文執政革之捐俸廣置學舍館

諸生之貧者而衣食給之故一時多所造就薦推國子
監助教。疏時宜八事出判鳳陽以不能諧俗歸乃築室
蓮谷精研理學貫通六經妙契一中之旨毅然以明道
爲任士類宗之所著有讀易索隱大學參義中庸通旨
八詠析言等書行於世。

胡惟一純

胡純字惟一。會稽人。少從陽明先生學。天性孝友。家貧
無書。每假抄以誦。晝夜不輟。遂以明經稱。執贄稱弟子
者常數十人。藉束脩以供甘旨。父母安其養。如大烹。對

儒頌

卷之二

七

七

昔終日危坐不妄言笑動止必飭其教人必率以規矩
歌詩習禮不徒事章句諸弟子旦夕供使令至種藝滌
浣皆欣欣任之不辭師弟之間庶幾復見古道以故出
其門者多知名士所著有雙溪稿詩禮抄泗州志崇安
志及卒鄱守洪珠高其行題其碣曰明逸士朱純墓

昌平知州蔣引之經

蔣經字引之開化人事繼母篤繼母待之益嚴而經
之孝敬益不衰卒化繼母爲慈母甘苦茹辛刻意問學
端重沉默日危坐一室與聖賢爲伍非其人不要接一